

- a) smrt roditelja/staratelja učenika, uz smrtni list ili izvod iz matične knjige umrlih,
 - b) postavljanje dijagnoze teškog oboljenja/bolesti za učenika koji se upisuje,
 - c) posjedovanje diplome hafiza, izdate od Islamske zajednice u Bosni i Hercegovini, ukoliko učenik prelazi u Javnu ustanovu Gazi Husrev-begova medresa i
 - d) kada se radi o učeniku smještenom na hraniteljski smještaj, kao i učeniku bez roditeljskog staranja u sistemu javne brige.
- (2) Krajnji rok za podnošenje zahtjeva Ministarstvu za davanje saglasnosti iz stava (1) ovog člana je 30. septembar tekuće godine."

Član 2.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-44422-20/25

Po ovlaštenju premijera

04. septembra 2025. godine

Ministrica

Sarajevo

Darja Softić Kadenić, s. r.

Na osnovu člana 26 i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 52. stav (1) tačka 2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 - Drugi novi prečišćeni tekst, 2/18 - Ispravka i 32/22), Vlada Kantona Sarajevo, na 93. sjednici, održanoj 11.09.2025. godine, donijela je

ODLUKU**O DAVANJU SAGLASNOSTI NA PRAVILNIK O UNUTRAŠNJOJ ORGANIZACIJI MINISTARSTVA ZA ODGOJ I OBRAZOVANJE KANTONA SARAJEVO**

Član 1.

Daje se saglasnost na Pravilnik o unutrašnjoj organizaciji Ministarstva za odgoj i obrazovanje Kantona Sarajevo, broj 11-07/01-02-38334-5/25 od 11.09.2025. godine.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-45210-3/25

Po ovlaštenju premijera

11. septembra 2025. godine

Ministrica

Sarajevo

Darja Softić Kadenić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 68. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24) i člana 22. Odluke o kriterijima za upis učenika u prvi razred srednjih škola Kantona Sarajevo ("Službene novine Kantona Sarajevo", broj 11/25), Vlada Kantona Sarajevo, na 122. vanrednoj sjednici, održanoj 11.09.2025. godine, donijela je

ODLUKU**O UPISU U PRVI RAZRED SREDNJE ŠKOLE U ŠKOLSKOJ 2025./2026. GODINI POD POVOLJNIJIM USLOVIMA**

Član 1.

Odobrava se upis učenice u prvi razred srednje škole u školskoj 2025./2026. godini pod povoljnijim uslovima definisanim članom 22. Odluke o kriterijima za upis učenika u prvi razred srednjih škola Kantona Sarajevo ("Službene novine Kantona Sarajevo", broj 11/25), i to:

- Madžak Henah - dozvoljava se upis u prvi razred u Javnu ustanovu Srednja medicinska škola Sarajevo, smjer: laboratorijski tehničar, jer imenovana spada u kategoriju djece porodica koje se vraćaju iz dijaspore.

Član 2.

Za realizaciju ove odluke zadužuju se Ministarstvo za odgoj i obrazovanje Kantona Sarajevo i srednja škola iz člana 1. ove odluke, svako u okviru svoje nadležnosti.

Član 3.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-45571-4/25

Po ovlaštenju premijera

11. septembra 2025. godine

Ministrica

Sarajevo

Darja Softić Kadenić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i 37/14 - Ispravka), člana 99. stav (8) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), Vlada Kantona Sarajevo, na 122. vanrednoj sjednici, održanoj 11.09.2025. godine, donijela je

ODLUKU**O DAVANJU SAGLASNOSTI NA PRIJEDLOG PRAVILNIKA O IZMJENAMA PRAVILNIKA ZA PRIJEM RADNIKA U RADNI ODNOS U OSNOVNIM I SREDNJIM ŠKOLAMA KAO JAVNIM USTANOVAMA NA PODRUČJU KANTONA SARAJEVO**

Član 1.

Daje se saglasnost Ministarstvu za odgoj i obrazovanje Kantona Sarajevo na prijedlog Pravilnika o izmjenama Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo.

Član 2.

Zadužuje se Ministarstvo za odgoj i obrazovanje Kantona Sarajevo da Pravilnik o izmjenama Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo objavi u "Službenim novinama Kantona Sarajevo".

Član 3.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-45571-5/25

Po ovlaštenju premijera

11. septembra 2025. godine

Ministrica

Sarajevo

Darja Softić Kadenić, s. r.